

անուններով, որոնց մեջ ընդգրկված էր 102 հոգի: Առաջին խումբը Մինաս Տուլպաշյանի (Գալլ Վահան) և երկրորդը՝ բարերորդի Միհրանի գլխավորությամբ հաջողությամբ իրագործում են այդ խնդիրը: Իշխանությունների վերածխնդրությունից խուսափելու համար, իրենց հետ վերցնելով մոտակա գյուղերի հալ բնակիչներին, խմբերը փորձում են վերադառնալ Արևելյան Հայաստան: Սակայն կիս ճանապարհին նրանք հանդիպում են համիդիական զնդերին, և ընդհարման ժամանակ զոհվում են երեսուն հոգի, այդ թվում նաև Գալլ Վահանը:

Սուլթանական բռնակալության դեմ պայքարի այս ձևը հատկանշում էր քաղաքական ուժանտիզմի խոր ազդեցությունը հայ ազգային-ազատագրական շարժման վրա և ընդգծում միաժամանակ նրա ժողովրդական բնույթը: Բայց ապարդյուն փորձերը, մարտիկների եղբրական նահատակությունը, ի վերջո, պետք է սթափեցնեին և ստիպեին հայդուկային զինատար և զինված խմբերի անմիջական կազմակերպիչներին՝ հրաժարվելու զինված խմբեր Արևմտյան Հայաստան մտցնելու մտքից:

3. 1904 Թ. ՍԱՍՈՒՆԻ ԻՆՔՆԱՊԱՇՏՊԱՆՈՒԹՅՈՒՆԸ

Սուլթանի կառավարությունը Սասունի դեմ նախապատրաստվող արշավանքն իրագործեց 1904 թ. զարնանամուտին, երբ սովորաբար զեպի սարերն էին շարժվում քրդական բռնվոր ցեղերը: Թուրքական իշխանությունները լրբատենների և գործակալների միջոցով հրահրում էին միջադեպեր, սրում դրությունը: Այդ օրերին բացահայտվեց Տափըկ գյուղում իշխանությունների կողմից Անդրանիկի դեմ կազմակերպված մահափորձը:

Մրազըվող կոտորածները Սասունում քողարկելու կամ արգարացնելու նպատակով, կառավարությունը կեղծ լուրեր էր տարածում, որ իբր հայ ֆիդայիները պատրաստվում են զարնանը իջնել լեռներից և հարձակվել թուրքական զորամասերի վրա²⁰: Սասունի դեմ զինված արշավանքի առաջին դուհր դարձավ Հունան գյուղը: Դաժան հարկահանությունն ստիպել էր գյուղի բնակչությանը դիմադրելու իշխանության ներկայացուցիչներին: Իշխանությունները բանակային կորպուսի մեկ դիվիզիա են ուղարկում «Սասուն փախած» հայերի դեմ²¹, 1904 թ. փետրվարի 5-ին առավոտյան ժամը 4-ին թուրք ջարդարարները խուժեցին Հունան գյուղը, կոզոպտեցին ու այրեցին 120 տուն, երեխաներին ու կանանց կենդանի թաղեցին ձյան մեջ կամ նետեցին ջրհորները²²:

Թուրքական իշխանությունները տեղեկանալով, որ Անդրանիկը Սասունում է և նախապատրաստվում է պաշտպանության, Սասունի շուրջը կենտրոնացրին կառավարական զորքեր ու քրդական ջոկատներ: Եվ քանի որ հայերը ոչ մի առիթ չէին տալիս, թուրքերը զրդեցին մի քանի բուրդ ցեղապետների հարձակվել հայկական բնակավայրերի վրա: Նույն՝ 1904 թ. մարտի վերջին, Սեբաստացի Մուրադը բանակցություններ էր վարում լաճկանցի բուրդ ցեղապետների հետ, նրանց բարեկամությունը շահելու հույսով:

²⁰ Տճ՝ «Геноцид...», стр. 148.

²¹ Տճ՝ նույն տեղում:

²² Տճ՝ նույն տեղում, էջ 149:

Կառավարությունը պատրաստվում էր ռազմական գործողություններին Սասունի վրա երեք ուղղությամբ շարժվող 10 հազարանոց թուրքական բանակը ղեկավարում էր ռուս-թուրքական պատերազմի ժամանակ հռչակված Քեոսն բինբաշին, Նրա հետ էին Սալիհ փաշան և Բիթլիսի կուսակալը՝ 7 զուամարտակներով։ Այդ հակայական ուժերի դեմ կանգնած էին երկու հարյուրի շափ փորձված հայդուկներ և կայծրաբն հրացաններով ու այլ զենքերով զինված մոտ հազար հայ գյուղացի։

Անդրանիկն իր ջոկատով հենակետ էր բնտրել Տափըզ գյուղը՝ Չալից (Բաթման գետի վերին հոսանքը) գետի Գելիեզուզան շարժվող թշնամու ուժերը կասեցնելու համար։ Պաշտպանական մյուս զլխավոր հենակետերն էին՝ Գելիեզուզանը, Շենիկը, Իշխնձորը և Տալվորիկը։ Կենտրոնական ինքնապաշտպանական ճակատի ղեկավարությունն ստանձնել էր Հրայրը։ Չալի շրջանում գործում էին Սպաղանցի Մակարի, Հաճի Հակոբ Կոտոյանի, Սերաստացի Մուրադի, Ալիանքի հովտում՝ Մանուկի, Ղազարի, Իշխնձորի հատվածում՝ Գևորգ Չավուշի և Մշեցի Սմբատի ջոկատները։



Արմենակ Ղազարյան (Հրայր)։

Ապրիլի 11-ին թշնամին վճռական գործողություններ սկսեց Շենիկի ճակատում։ Կատաղի մարտերը շարունակվեցին մինչև կեսօր, երբ թուրքական հեծնազորը, չդիմանալով ժողովրդական ինքնապաշտպանության փոքրամիկ ուժերի համառ դիմադրությանը, ստիպված նահանջեց։ Թուրք ուժեր ստանալով, թուրքերը գրոհեցին Մերիկը գյուղի դիրքերի վրա։ Այստեղ էլ նրանք հանդիպեցին Գևորգ Չավուշի մարտիկների համառ դիմադրությանը և արդյունքի չհասան։

Առաջին անհաջող գրոհներից հետո թուրքական հրամանատարությունը առաջարկեց հայերին՝ զենքը վախճել, Ի պատասխան այդ առաջարկության, Անդրանիկն ու Հրայրը հայտարարեցին, թե զենքը վախճելու կդրվի, եթե իրագործվեն 1895 թ. Մալիսյան ծրագրով խոստացված բարենորոգումները։ Թուրքական հրամանատարությունը հայերից ղեռ վերցնական պատասխան չստացած, իր զորքերը բաժանեց վեց մասի և սկսեց ուժեղանալ Սեմալի ու Ալիանքի հայկական դիրքերը և գետի Գելիեզուզան հեռացող խաղաղ բնակչությանը։ Կովի թեժ պահին Հրայրը նկատեց, որ թշնամին ձգտում է գրավել Բարրաբալի հովիտը փակող կիրճը, որը միակ ուղին էր գետի Գելիեզուզան։ Նա իր զինակիցներով շտապեց կիրճը պաշտպանող հայդուկներին օգնության և կիրճից ոչ հեռու գոհվեց թշնամու գնդակից։ Հրայրի մահը խորապես ազդեց ոչ միայն հայդուկների, այլև Տարոնի ողջ հայության վրա։ Անհուսմանայնիվ թուրք-բրդական զորախմբերին չհաջողվեց մարտը շահել։ Անդրանիկի, Գևորգ Չավուշի, Մուրադի մարտիկների անձնուրաց զրոհներն ի վերջո ստի-

պեցին թշնամուն կատաղի կովից հետո, ծանր կորուստներ տալով, լքել մարտադաշտը:

Անդրանիկի հրամանով Սմբատը ժողովրդի հետ քաշվում է Փշփուշ սարը և այնտեղից հարձակվում թշնամու վրա, ստեղծելով տպավորություն, թե հայդուկները թարմ ուժեր են ստացել:

Ապրիլի 20-ին համառ մարտեր տեղի ունեցան Քեփի մոտ, ուր ճակատում էին Սմբատի և Գևորգ Չավուշի ուժերը, իսկ Տափուկ գյուղի կողմից եկող թուրքական ուժերի դեմ հարձակողական մարտեր էր մղում Սերաստացի Մուրադը:

Կենտրոնական ճակատում, Գեղիեզուղանի դեմ թուրքական հրամանատարությունը դուրս էր բերել 12—14 թնդանոթի Այդ հատվածում էին հայերի ինքնապաշտպանական ուժերի մի մասը և 20.000-ից ավելի տեղահան եղած անզեն ժողովուրդը: Թուրքական ուժերի մարտական գործողություններն անձամբ ղեկավարում էր Բիթլիսի կուսակալը: Ապրիլի 19-ին անհավասար մարտը տևեց մինչև ուշ երեկո. թուրքական ուժերին չհաջողվեց կոտրել հայերի դիմադրությունը: Դիմադրության ղեկավարների համար պարզ էր, որ թշնամու գերակշիռ ուժերի հարձակման կասեցումը տևական չի կարող լինել, քանի որ ինքնապաշտպանություն ուժերը բավարար չափով զենք ու զինամթերք չունեն: Պետք էր մտածել անզեն ժողովուրդը կոտորածից փրկելու, թշնամու վերծիսնորությունից զերծ պահելու մասին:

Անդրանիկն այս մարտերի ընթացքում համարձակ շրջանց կատարելով, կասեցնում էր թուրքերի առաջխաղացումը, հնարավորություն տալով ժողովրդին հեռանալ Գեղիեզուղանից, ինքնապաշտպանության մարտական ուժերը երեք խմբի բաժանելով, շրջանցելով թշնամու դիրքերը, լեռնածերպերով ժողովրդին իջեցնում են Մուշի դաշտի գյուղերը, շարունակելով պայքարը մինչև վերջին հնարավորությունը:

Հետապնդող թշնամին կրակի մատնելով դատարկված Գեղիեզուղանը և հայկական մյուս գյուղերը, զաժան դատաստան տեսավ տեղերում մնացած խաղաղ բնակչության բեկորների հետ: Անտոքի և Քեփի բարձունքներում սասունցիները 8—10 օր տևող անհավասար կատաղի մարտերում հերոսաբար պաշտպանվում էին թուրքական զորքերի հարձակումներից: Ինքնապաշտպանական կոիվները Սասունի լեռներում շարունակվեցին մինչև մայիսի 14-ը: Սասունի գոյամարտի ժամանակ սուլթանական հրոսակները կոտորեցին մոտ 8 հազար հայ և ավերեցին ու կողոպտեցին ավելի քան 2 հազար տուն:

Զանգվածային այդ կոտորածներից հետո սուլթանը ցանկանում էր Սասունի ըմբոստ բնակիչներին մշտապես բնակեցնել Մուշի դաշտավայրում՝ հետագայում նրանց հետ հաշվեհարդար տեսնելու համար: Սասունցիները պահանջում էին իրենց պապենական հողերը: Այդ համառությունը և օտարերկրյա հյուպատոսների միջամտություններին տեղի տալով, սուլթանական կառավարությունը ի վերջո առժամանակ հրաժարվեց Սասունը հայերից դատարկելու մտքից:

Սասունի պարտությունից հետո հայդուկները շարունակեցին պարտիզանական պայքարը: 1904 թ. գարնան ու ամռան ամիսներին Անդրանիկը, Գևորգ Չավուշը, Սերաստացի Մուրադը, Սպաղանցի Մակարը, Շենիկյի Մանուկը, Մշեցի Սմբատը, Կալծակ Վաղարշակը (Բաղդասարյան) և նրանց մարտական զինակիցները Սեմալում, Իշխնձորում, Գեղիեզուղանում և այլուր մի շարք հերոսական կոիվներ մղեցին թուրքերի դեմ:

Այդ ժամանակ Սասունի և Տարոնի տեղացի հայդուկների մեծ մասը պահանջում էր կրկին բարձրանալ Սասունի լեռները և շարունակել պայքարը Անդրանիկը պաշտպանում էր այդ տեսակետը: Իսկ հայդուկների մի մասն էլ պահանջում էր առժամանակ հեռանալ երկրից, մտածելով, որ գուցե իշխանությունները զաղարեցնեն համիդիական ու ռուսականական զինված ավազակախմբերի ասպատակությունները Տարոնի և Սասունի շրջաններում: Որոշվում է նահանգի վան և աշտեղ գիմադրական շարժման ղեկավարության հետ վերջնական եզրակացության հանգել: Շուրջ 130 հոգուց բաղկացած հայդուկային ջոկատն Անդրանիկի ղեկավարությամբ բռնում են վանի ճանապարհը, իսկ մյուսները՝ Սպաղանցի Մակարի, Շենիկյի Մանուկի գլխավորությամբ վերադառնում են լեռները:

Թուրք-բրդական զինված կանոնավոր և անկանոն զորամասերը հետապնդում են ղեպի վան գնացող հայդուկներին, որոնք հարկադրված ինքնապաշտպանական մարտեր էին մղում: Այդ կռիվները թշնամու գերազանց ուժերի դեմ ժողովրդական ազատագրական պայքարի հերոսամարտերի զրվագներ են: Առանձնապես հիշարժան են Անդրանիկի ջոկատների մղած կռիվները 1904 թ. մայիս-հուլիս ամիսների ընթացքում Փեթարի, ս. Հովհաննես և ս. Կարապետ վանքերի, Գոմերի, Տերգեվանքի, Կուրավուի մոտերքում: Հուլիսի 16-ին Կուրավու գյուղում էին Անդրանիկը, Գևորգ Չավուշը, Մուրադը, Կորյունը և ուրիշ 40 հայդուկներ, Կարինից ժամակել էր 200 զինվորից բաղկացած թուրքական ստորաբաժանումը: Հայդուկներն արգեն զիջեցրել էին, երբ սկսվում է ընդհարումը: Ընդամենը կես ժամվա ընթացքում թշնամին կորցրեց ուժերի կեսը, մյուսները լրեցին մարտադաշտը և փախան: Գյուղը ցնծության մեջ էր: Սակայն շուտով Սուլուխից ղեպի Կուրավու է շարժվում թուրքական նոր զորաբաժին: Հայդուկները գյուղացիների օգնությամբ կասեցնում են նրա առաջխաղացումը: Թշնամուց խլում են 40 հրացան: Մուլն ընկնելուն պես, գյուղի բնակչությունը հայդուկների հետ բաժնվում է մոտակա լեռները: Այս կռիվներում հայդուկները տալիս են 14 զոհ, մի քանի անգամ ավելի զոհեր պատճառելով թշնամուն:

Ընդհարումները տևում են մինչև հուլիսի երկրորդ կեսը, երբ Բերդակի ժողովից հետո Անդրանիկը 80 հայդուկներով անցնում է վան, հաղթական մի նոր կռիվ է տալիս թուրքական բազմաքանակ զինված ուժերի դեմ Շամիրամում, ապա անցնում Աղթամար, որտեղ վանի ինքնապաշտպանության ղեկավարների հետ խորհրդակցելուց հետո որոշվում է, որ ցանկացողները կարող են վերադառնալ Տարոն և Սասուն, իսկ Անդրանիկը և մյուսները կանցնեն Կովկաս: Գևորգ Չավուշը և Կորյունը 23 հայդուկների հետ բաժանվելով ընկերներից, վերադառնում են Սասուն: Անդրանիկի ջոկատն անցնում է Պարսկաստան, իսկ ինքը՝ Կովկաս, որտեղից մեկնում է արտասահման՝ Փնև, ապա հաստատվում Բուդլարիայում:

1905—1907 թթ. Գևորգ Չավուշի հեծյալ հայդուկային խումբը անսպասելի հայտնվում էր տարբեր վայրերում և կանխում թուրք ու քուրդ հարստահարիչների թալանն ու կողոպուտը: Իշխանությունները ձգտում են ինչ գնով էլ լինի գտնել ու ոչնչացնել Գևորգ Չավուշի ջոկատը: Սակայն Գևորգը շարունակում էր մնալ Տարոնում և Սասունում, չդադարեցնելով պայքարը կեղեքիչների դեմ: 1907 թ. մայիսի 26-ին Սուլուխի կռիվում Գևորգ Չավուշը վիրավորվում է և մահանում: Նրան թաղում են Մուշի հայոց գերեզմանատանը:

Այդ շրջանում հայ ազատագրական շարժման ղեկավար հարված հասցրեց Դավույի (Դհերցի Դավիթ) մատնությունը, որը անձնական նկատառումներով գծովելով դաշնակցության Վանի տեղական կոմիտեի հետ, թուրքական ուսուիականությանը հայտնեց ինքնապաշտպանության դինապահանջներին 10-ի տեղը, 1908 թ. փետրվարին դինապահանջները բռնագրավվեցին և սկսվեցին խուզարկություններն ու հաշվահարդարը: Ինքնապաշտպանության մարմինները ժողովրդի օժանդակությամբ կարողացան մյուս դինապահանջներին դինապահանջը տեղափոխել այլ թաքստոցներ: Մատնիչը ստացավ իր արժանի պատիժը: Նա սպանվեց վանեցի երիտասարդ հյուսն Տաճատ Թերլեմեզյանի ձեռքով:

Հայ ազատագրական շարժումների պատմության մեջ սուլթանական բռնատիրության հոգի կարգերի դեմ հայդուկային կոիվները և ապստամբական բռնկումները, ինքնապաշտպանական մարտերը թեև չհանգեցրին ժողովրդի ազատագրությանը օսմանյան լծից, բայց և այնպես այդ այն պայքարն էր, առանց որի որևէ ժողովուրդ չի հասել իր ազատագրությանն օտար լծից: Այդ շարժումների պատմական նշանակությունը նախ և առաջ այն է, որ զրանք թույլ չտվեցին, որ հայերի իրավազուրկ վիճակը հանգեցնի ստրկամիտ հնազանդության և ժողովրդի մեջ միշտ վառ պահեցին ազատաբաղձ ոգին:

«Մարտիստը չի կարող առհասարակ աննորմալ և բարոյալքող համարել քաղաքացիական պատերազմը կամ պարտիզանական պատերազմը՝ որպես նրա ձևերից մեկը»²³:

Անդրադառնալով 1906 թ. Լեհաստանում տեղի ունեցող պարտիզանական կոիվներին ու ընդհարումներին: Ստեփան Շահումյանը գրում էր. «Ժողովրդի համբերության բաժակը լցվել է: Դարերով կուտակված ատելությունը դուրս է ժայթքում մի սոսկալի կատաղությամբ, մի հաճարկու ցասումով»²⁴: Այնուհետև. «Ամենից կարևորը և ուշագրավը, այդ բոլորի մեջ այն է, որ հեղափոխական այդ ակտերը կատարվում են ոչ թե տարերային կերպով, անմիջական զգացմունքի ազդեցության տակ, այլ մտածված, նախաշարժված, պլանովոր եղանակով: Եվ նրանց այդ տեսակ բնավորությունն է, որ ահ ու սարսափ է ազդում բռնակալության վրա... Այդպիսի ակտերով հեղափոխական կուսակցությունները փորձեր, վարժություններ են անում...»²⁵:

Հայ ազատագրական շարժման մասնակիցները հիմնականում աշխատավոր գյուղացիներ, արհեստավորներ էին, որոնք իրենց կյանքն առանց մնացորդի նվիրեցին ժողովրդի ազատագրության պայքարին:

Եվ պատահական չէ, որ ազատագրական պայքարի սրբազան գործին իրենց կյանքը նվիրաբերած մարտիկներին՝ հայ ֆիդայիների մասին հորինած բազմաթիվ երգերում ժողովուրդը արտահայտել է իր ջերմ սերը, ակնածանքը, պատրաստակամությունը նրանց օգնելու և նվիրաբերելու ամենաթանկագին՝ իր որդիներին: Հայրենասիրական այդ վեհ զգացմունքներն արտահայտել են ոչ միայն հայ ականավոր գրողներն ու բանաստեղծները, այլև

23 Վ. Ի. Լենին, ԵԺ, հ. 14, էջ 9:

24 Ստ. Շահումյան, Երկերի ժողովածու, հ. 1, էջ 313:

25 Նույն տեղում:

աշխատավոր դյուղացին ու արհեստավորը Ահա ժողովրդական երգերից մի հատված.

«Թիփի-բորան մութ գիշերին,
Կը պըտըտեր ֆիդային.
Պատրոնտաշը խաշկապ թալուկ
Վիզն ի հրացան Մոսինի:

Հայ ֆիդային, ջան ֆիդային,
Ձեզ խետ տարեք զ՛իմ բալին,
Ձեզ խետ կովի, ձեզ խետ մեռնի
Ազգին ղուրպան զ՛իմ բալին»... և այլն:

Սասունի հայերի ինքնապաշտպանական կոիվներին անդրադառնալով, ֆրանսիական պառլամենտի 1904 թ. հունիսի 9-ի նիստում դեպուտատ Ֆր. Պրեսանսեն իրավացիորեն նշում էր, որ հայերը գրեթե անզեն էին: «Բայց դրանք այն կոիվներն են, առանց որոնց ոչ մի ժողովուրդ չի կարող նվաճել իր գոյություն իրավունքը: Նրանք կռվեցին մի ամբողջ ամիս, առանց տանելու հաղթանակը, որն անհնարին էր»²⁶, նրանք զգում էին իրենց և կառավարության ուժերի ահեղի տարբերությունը, բայց հարազատ ժողովրդի հանգեպունեցած սերը, որ «բնական աղբյուրի մը նման վճիտ ու անխաղախ կծալթբեր իրենց պարզ մարդու սրտեն», մղում էր նրանց՝ մեկով դուրս գալու թըշնամու հարյուրի ղեմ»²⁷:

Չարիքի ղեմ ըմբոստանալու պատմական անխուսափելիության մասին Ստ. Շահումյանը գրում էր. «Թող չասեն... որ լինում են պայմաններ, երբ կոիվը անհնարին է, կամ անմիտ բան է: Զկա այն զորեղ թշնամին, որի ղեմ կոիվը անհնարին լինի, չկա այն բռնությունը, անարդարությունը, որի ղեմ բողոքը անմիտ բան լինի: Կովոզն այն ղեպրում չի կովում միայն, երբ նա համոզված է, որ ինքը կհաղթի, նա չի կովում միայն հաղթելու համար: Նա կովում է, որովհետև չի կարող չկովել. նա կովում է երբեմն մեռնելու համար»²⁸:

4. ԱԶԱՏԱԳՐԱԿԱՆ ՇԱՐԺՄԱՆ ԱՐՁԱԿԱՆՔՆԵՐԸ ԵՎ ՓԱՂԱՔԱԿԱՆ ՇՐՋԱՆՆԵՐԻ ԴԻՐՔՈՐՈՇՈՒՄԸ

Միջազգային հասարակական կարծիքը համակրանքով էր վերաբերվում հայկական ազատագրական շարժմանը:

Խաղաղության միջազգային բյուրոն Բեռնում (Շվեյցարիա) ղեռնա 1901 թ. սկզբին հասարակայնության և քաղաքական շրջանների ուշադրությունը հրավիրեց Հայկական հարցի վրա: Դիմելով Բեռլինի պայմանագրին ստորագրած վեց պետությունների կառավարություններին, Բյուրոն հիշեցնում էր 61-րդ հոդվածով նախատեսված բարենորոգումները Հայաստանում կենսագործելու անհրաժեշտության մասին: Սոցիալիստական կուսակցությունների կենտրոնական օրգաններն իրենց հերթին կոչ էին անում բոլոր երկրների բանվորներ-

26 «Գրոշակ», № 6, 1904:

27 «Զորավար Սմբատի հուշերը», հ. Ա, Փարիզ, 1936, էջ 223:

28 Ստ. Շահումյան, ԵԺԺ, հ. 1, էջ 37—38: